

**Sɛwɛ ɲa Pɔli wɪla torogo**  
**FILIFI**  
**ca tagafɛnnɛ pe yeri**  
**Sɛwɛ wi nawa sɛnrɛ**

Filifi ca ko kɪla pye Maseduwani tara ti ni fuun cagbɔgɔ ye. Ko ca ko kɪla pye ca konɔbanɲa wa Lefile tara ti ni, ɲa Pɔli wɪla keli ma legilizi tɛgɛ wa ki ni (Kapye 16.11-40). Naa Pɔli wɪla kaa kari wa cara sannda ti ni mbe sa Yɛnɲɛle li tunɲo ki pye, Filifi ca tagafɛnnɛ paa penjara torogo wi kan maa saga.

Laga ki sɛwɛ ɲa wi ni, Pɔli wɪla sharaga kan Filifi ca tagafɛnnɛ pe yeri, mbege ta paa sefo Epafuroditi wi tun yarikanga ni, a wɪ saa ki kan wi yeri we. Ki sanga wi ni, Pɔli wɪla pye kaso, ɛn fo naa wɪla kaa ki yarikanga ki ta, kɪla tanla wi ni fo jɛnɲɛ.

Wa sɛwɛ wi go (1.1-26) laga ki ni, Pɔli wɪla Filifi ca tagafɛnnɛ pe kajɛnɲɛ pyege ki jɛn pe na Yɛnɲɛle li yɛgɛ sɔgɔwɔ. Maa ta wa kaso wi ni, wɪla para pe ni fun pe kajɛnɲɛ ki wogo na.

Wa sɛwɛ wi go (1.27-2.18) laga ki ni, Pɔli wi yɛn naga yuun tagafɛnnɛ pe kan fo pe pye nunɲba, pe pye go sogowo ni konaa pe ni fuun nunɲba nunɲba paa pe yɛɛ jate.

Wa sɛwɛ wi go (2.19-30) laga ki ni, Pɔli wi yɛn na para Timote naa Epafuroditi pe sɛnrɛ na, poro mbele wɪla tun wa Filifi ca ye.

Wa sɛwɛ wi go (3.1-21) laga ki ni, mbele pe yɛn na Zhufuye lasiri wi nari, Pɔli wi yɛn na Filifi ca

tagafenne pe yeregi ma yo paa pe yee korosi pe ni; katugu paa pye naga yuun ma yo fo tagafenne mbele pe woro Zhufuye pe daga mbe kenrekenre mbe ta mbe pye lesinmbele Yenhele li yee na. Poli wi yo paa tanri paa wi yen, ko koru wo yen pe pe yee kan Zhezu Kirisi wi yeri pew.

Wa sewe wi go (4.1-23) laga ki ni, Poli wi yen na yerewe kaan Filipi ca tagafenne pe yeri. Wigi yo naa ma yo fo wi yen kagbaraga jenfɔ yarikanra nda pe kan wi yeri ti wogo na.

### **Sewe wi yen ma koonlo yee nga na**

Sewe wi lesaga senre konaa Yenhele yenrewe  
*1.1-11*

Senre nda leele paa logo Poli wi wogo na konaa  
wi tunngo *1.12-30*

Yerewe senre mbe pye nungba, mbe go sogo  
konaa mbaa Yenhele senre ti yari *2.1-18*

Yerewe senre nda Poli wila kan Timote naa  
Epafuroditi pe yeri *2.19-30*

Yerewe senre mbaa tanri paa Poli wi yen *3.1-21*

Yerewe senre ta yee konaa sharaga yarikanra  
nda Poli wila ta ti wogo na *4.1-20*

Sharaga pungo wogo *4.21-23*

*Poli wila sewe wi torogo leele  
mbele yeri pe sharaga ye*

<sup>1</sup> Mi Poli naa Timote, woro mbele we yen Zhezu Kirisi wi tunmbyeele, woro waa ki sewe na wi torogi yoro mbele fuun ye yen Yenhele li leele kpoyi, ma pye nungba Zhezu Kirisi wi ni wa Filipi ca ye kan, naa legilizi yeekele naa tunmbyeele pe kan.

<sup>2</sup> We To Yenñele lo naa we Fɔ Zhezu Kirisi wi ni, pe yinme naa yeyinñge kan ye yeri.

*Pɔli wila yenri  
Filipi ca tagafenne pe kan*

<sup>3</sup> Sanga o sanga mi kaa jatere piin ye wogo ki na, mi maa Yenñele li shari ye kala na.

<sup>4</sup> Sanga o sanga mi kaa yenri ye kan, mi maa yenri nayinme ni;

<sup>5</sup> katugu yànla saga ma Sentanra ti yari, maga le wa pilige konñbanña ki na ali ma pan ma gbɔn nala.

<sup>6</sup> Migi jen ma filige ki na ma yo Yenñele na li tunngo jenge peli wa ye nawa, li yaa koro ki na mbaa ki piin fɔ mbe saga yon fili Zhezu Kirisi wi pilige ki na.

<sup>7</sup> Ki yen ma sin mbaa ki jatere wi piin ma ye ni fuun ye wogo na, katugu ye kala li yen mala ndanla fɔ jenge. Yè pye Yenñele li yinme pi tafenne yeenle na ni, maga ta mi yen yingɔ laga kaso, nakoma maga ta sanga ña ni mila pye na Sentanra ti nari ma yo ti yen kaselege, konaa na yeresaga kaan ti yeri we.

<sup>8</sup> Yenñele ligi jen ma yo ñga mila yuun ki yen kaselege, naa mi yo ye yen mala ndanla Zhezu Kirisi wi ndanlawa pi ni we.

<sup>9</sup> Mi yen na Yenñele li yenri fɔ ye ndanlawa pila gbogo pila kee yegɛ, ye kajenne jembe ta naa tijinliwɛ pi ni fuun ni,

<sup>10</sup> jango ye ya ye ñga ki yen kajenge ko wɔ. Kiga pye ma, ye yaa pye kpoyi, tegesaga fu Kirisi wi pilige ki na.

11 Pa Zhezu Kirisi wi yaa ye kan yaa nga ki yen ma sin ki piin wa ye yinwege ki ni suyi. Pa ki yaa pye Yenɲele li gbogowɔ, mbaa li mege ki sonni.

*Kirisi wo wi yen yinwege ye*

12 Sefenne, mila jaa yege jen fɔ nga kilan ta kigi kan, a Sentanra tila yari na kee yege.

13 Ki pye ma, wunlunana wi yungbogo welefenne pe ni fuun, naa leele sanmbala pe ni fuun pe ni, pege jen ma yo mi yen laga kaso Kirisi wi mege ni.

14 Naa panla le laga kaso ki kala na, sefenne legere pe jigi wi taga we Fɔ wi na, ma kotogo ta jenge na Yenɲele senre ti yari, pe woro na fyɛ.

15 Kaselege yi, pele wa pe ni, pe maa Kirisi wi senre ti yuun yenjara naa kendige ni, na kala na. Eɛn fɔ, pele maa ti yuun nandanwa ni.

16 Poro maa ki piin ndanlawa ni, katugu pege jen ma yo Yenɲele ligi tunngo ki kan na yeri mbaa ki yege yuun fɔ Sentanra ti yen kaselege.

17 Sanmbala poro maa Kirisi wi senre ti yuun yenjara ni, paa laga piin sobe ni. Pe yen naga jate ndeɛ pe yaa ka taga na jɔlogo ki na, mbanla ta laga kaso.

18 Ko ka woro tege! Paa ki piin sobe ni o, paa ki piin dawari ni o, Kirisi wo senre to yari mako. A ki yɔgorimo kan na yeri, mi yaa si koro mbaa yɔgori;

19 katugu ko ki ni fuun nga ko yaa na kan mbe sho ye yenrewe po naa Zhezu Kirisi wi Yinnekpoyi li sagawa pi fannga na.

20 Naa mila wi singi nayinme ni, mala jigi wi taga wi na, mi se fere ta yaraga ko ka ni. Eɛn

fɔ, mbege ɛ yingɔ wo na, fɔ sanga pyew, mi yaa kotogo ta jɛngɛ, kiga pye ma, mi yɛn yinwege na o, mi ku o, Kirisi wi yaa gbɔgɔwɔ ta nga fuun mila piin na wire ti ni ki kala na.

<sup>21</sup> Katugu mi wo yeri, na yinwege ki yɛn Kirisi wo kɛɛ, na mi ka si ku, ko yɛn tɔnli ni na yeri.

<sup>22</sup> Ɛɛn fɔ, na kaa pye mi ka koro yinwege na naa, mbe ya mbe tunɲo jɛngɛ pye, nga mi yaa wɔ mi sigi jɛn.

<sup>23</sup> Na jatere wi yɛn nala tile keyɛn shyɛn yi ni fuun yi na. Mi yɛn naga jaa mbe wɔ laga ki yinwege nga ki ni, mbe pye wa Kirisi wi ni. Ko yɛn ma mbɔnrɔ fɔ jɛngɛ.

<sup>24</sup> Ɛɛn fɔ, mbe koro yinwege na naa yoro kala na, ko yɛn ma yɔn naa fɔ jɛngɛ.

<sup>25</sup> Migi jɛn ma wali ki na ma yo mi yaa koro laga mbe cɛn laga ye ni fuun ye ni, mbe ye saga yaa kee yegɛ, ye pye nayinmɛ ni wa tagawa pi ni.

<sup>26</sup> Kiga pye ma, na mi ka sɔngɔrɔ naa mbe kari wa ye yeri, pa ye yaa ye yɛɛ gbɔgɔgo fɔnɲɔ ta na kala na, wa ye gbogolomɔ pi ni Zhezu Kirisi wi ni.

### *Yɛrɛwɛ sɛnrɛ*

<sup>27</sup> Nga kɔ wɛ kala li ni fuun na, ko yɛn fɔ: Yaa tanri yaa yala Kirisi wi Sentanra ti ni, janɲo mi kari wa ye yeri mbe sa ye yan o, mi koro laga o, mbaa ki nuru fɔ ye yɛn ma yere jɛngɛ, ye jatere wi yɛn nunɲba. A yaa malaga ki gbɔɔn kotogo nunɲba ni tagawa pi kala na, mba Sentanra ti maa kaan we.

<sup>28</sup> Yaga ka ye yɛɛ yaga ye juguye pe ye kan yaa fyɛ yaraga ka na. Na ye woro na fyɛ, ko yaa pye

paa tegerɛ yɛn mbege naga pe na fɔ pe wogo kɪ jɔgɔ, mbe pye paa tegerɛ yɛn mbege naga yoro na fɔ ye yɛn wa showɔ konɔ li ni. Pa ko yiri Yɛnɲɛle lo yeri;

<sup>29</sup> katugu li kagbaraga pye ye kan, a yè taga Kirisi wi na. Mbe taga wi na ko nunɔba ma ki yɛn ki kagbaraga pyege ye, ɛɛn fɔ, yaa jɔlɔ wi kala na fun.

<sup>30</sup> Yɛngɔ ni, we yɛn ki nɔɔbenlɛwɛ pi na ja. Ki nɔɔbenlɛwɛ nunɔba powi faa yàa na yan mila nɔɔbeli we, mi si yɛn pi na bere, paa yɛge nɔɔa na ye yɛn maga jɛn we.

## 2

### *Kirisi wi yɛɛ tigiwɛn naa wi gbɔgɔwɔ*

<sup>1</sup> Kɪ kaa pye ye kotoɔo tɪ sogo ye na wa ye gbogolomɔ pi ni Kirisi wi ni, kɪ kaa pye wi ndanlawa pi kotogo kan ye yeri, kɪ kaa pye yè pye nunɔba Yinnekpoyi li ni, kɪ kaa pye ye yɛn ma ye yɛɛ ndanla, na ye yɛɛ yinriwɛ taa,

<sup>2</sup> ki kala na, ye ti na nayinmɛ pi pi yɛɛ yɔn fili. Ko yɛn fɔ: Ye yɔn ki pye nunɔba, ye ndanlawa pi pye nunɔba, ye nawa pi pye nunɔba jatere nunɔba ni.

<sup>3</sup> Yaga kaa kala la piin kashara jatere ni, yaga kaa ye yɛɛ gbogo jaga. ɛɛn fɔ, ye yɛɛ tirige ye yɛɛ kan, yaa ye lewee yɛɛnɛ pe jate pè mbɔnɔ ye na.

<sup>4</sup> Ye ni, wa kpɛ ka kaa wi yɛɛra kagala koro ɛɛ jate. ɛɛn fɔ, ye ni fuun nunɔba nunɔba yaa ye lewee yɛɛnɛ pe kagala ke jate fun.

<sup>5</sup> Jatere ña wìla pye Zhezu Kirisi wi ni, wo mbe pye ye ni.

<sup>6</sup> Wo ña Yenñele li cenlómó pìla pye wi ni, wi sila ki jate mbege lagaja ñgbanga mbe yala Yenñele li ni.

<sup>7</sup> Eñ fò, a wo jate wì yaraga ñga fuun kila pye wi yeri ki yaga wa, ma kulo cenlómó le, ma pye paa senwee yen.

A pòo yan paa senwee yen.

<sup>8</sup> A wì yenle ki na maa yee tirige mbaa wi yinwege ki piin, ma pye senre logofò, fò ma saa gbòn kunwò pi na,

ali ma saa ku tiparaga na.

<sup>9</sup> Ko kì ti Yenñele lùu yirige fun fò jenge, mee mege kan wi yeri, ñga ki gbògò ma we mere ti ni fuun na,

<sup>10</sup> jaŋgo naayeri yaara, naa tara na yaara, naa tara ti ñogona yaara tila kanŋguuro kanni Zhezu mege ki gbògòwò pi kala na.

<sup>11</sup> Konaa pe ni fuun pege yo fò Zhezu Kirisi wo wi yen we Fò we. Ki gbògòwò kan Yenñele na li yen To li yeri.

*Ye pye paa yanwa yen,  
yaa yiin laga dunruya wi ni*

<sup>12</sup> Ki pye ma, yoro mbele yànla ndanla, yàa na senre ti le sanga wi ni fuun wi ni, naa mila pye wa ye ni we. Ki si yen ma yòn naa jenge fò yaa na senre ti lee bere, mbanla ta mi woro wa ye sògòwò we. Yaa ye showò pi tunŋgo ki piin fyere ni, yaa seri, (mbege na fò yaa Yenñele li gbogo).

<sup>13</sup> Katugu Yenɲele lo li yen na tunɲgo piin wa ye ni suyi, jaɲgo mbe ye kan ye ya ye yenle li nandanwa kala li na, yeli pye yeli yon fili.

<sup>14</sup> Yaa kala li ni fuun li piin yaga kaa kongori, nakoma mbaa kendige woo,

<sup>15</sup> jaɲgo ye pye kpoyi tegelesaga fu. Ye pye Yenɲele li piile mbele pe yen jeregisaga fu laga ki dunruya ɲa wi leele pe soɲowo, poro mbele pe yen kafaara pyefenne naa lepeele. Ye tangalomo pi daga mbe pye yanwa pe soɲowo mbaa yiin paa wonɲolo ke yen wa naayeri.

<sup>16</sup> Yaa yinwege senre ti yuun pe kan. Na ye kaa piin ma, pa mi yaa ka gbogowo ta ye kala na Kirisi wi pilige ki na. Ko yaa kaga naga mbe yo na tunɲgo naa na tere ti ni fuun tii pye jaga.

<sup>17</sup> Kana mi daga mbe ku yere, na kasanwa pi wo mbe pye paa saraga yen, mbe pinle ye tagawa tunɲgo ki ni Yenɲele li kan. Na kaa si pye ki daga mbe pye ma, pa ki yaa na nawa pi yinɲgi, pa mi yaa pye nayinme ni ye ni fuun ye ni.

<sup>18</sup> Yoro fun yaa yogori ma fun, we pinle waa yogori ja.

*Timote naa Epafuroditi  
pe tunɲgo ye*

<sup>19</sup> Na jigi wi yen we Fo Zhezu wi na fo sanni jenri mi yaa Timote torogo wa ye yeri, jaɲgo na wiga pan, mi ka ye senre logo, mbe ta mbe kotogo ta.

<sup>20</sup> Wo nunɲba wi yen laga na ni, we pinle na jatere nunɲba piin, a ye kala lùu yanra fo jenɲe.



<sup>21</sup> Pe sanmbala pyew, pe yen na sɔnri pe yɛɛra kagala koro na, pe woro na sɔnri Zhezu Kirisi kala lo na.

<sup>22</sup> Yoro jate ye yen maga jɛn ma yo Timote pòo wa ma wele makɔ maa yan wi yen tagawa ni. A yègɛ jɛn ma yo wì tunɲgo pye na ni wa Sentanra yarawa tunɲgo ki ni, paa yègɛ ɲga na pinambyɔ maa tunɲgo piin wi to ni we.

<sup>23</sup> Ki kala na, na mi kanla kagala ke jɛn mbe filige ke na, na jigi wi yen ki na mboo torogo wa ye yeri.

<sup>24</sup> Mì taga ki na wa we gbogolomɔ pi ni we Fɔ wi ni, ma yo sanni jɛnri mi jate mi yaa kari wa ye yeri mbe sa ye yan.

<sup>25</sup> Mìgi sɔnri ma yo ki yen ma yala mbe sefɔ Epafuroditi wi songɔrɔ wa ye yeri. Wi yen na tunɲgo pyeyenɛ, a waa malaga ki gbɔɔn ja. Wo yàa tun laga, a wì pan mala kala yɔnyaara ti kan na yeri.

<sup>26</sup> Ye la yen wi na jɛɲgɛ wi ye yan. Naa yàa ki logo ma yo wi woro ɲgbaan, ki wogo kila wi yanra fɔ jɛɲgɛ.

<sup>27</sup> Kaselege yi, wìla pye na yaa, fɔ na jaa mbe ku yɛɛ. Ɛɛn fɔ, Yɛɲɲɛɛ lùu yinriwɛ ta, wo nunɲba ma, lilan yinriwɛ ta fun, jɛɲgo na yɛsanga kiga ka serege na na.

<sup>28</sup> Ki kala na, mùu tun wa ye yeri fyeɛgɛ na, jɛɲgo na ye kaa yan naa, yaa yɔgɔri, mi jate na yɛsanga ki kɔ.

<sup>29</sup> Kì pye ma, yoo yigi jɛɲgɛ nayinmɛ pi ni fuun ni, paa sefɔ yen wa we gbogolomɔ pi ni we Fɔ wi ni. Ye daga mbaa ki leele mbele pe yen paa wi yen pe gbogo;

<sup>30</sup> katugu wila pye na jaa mbe ku Kirisi wi tunngo ki kala na. Tunngo nga ye saa ya pye na kan, wùu yee go ki pere ma pan maga pye ye yonlo.

### 3

*Ye daga mbe sin jenge Yennele  
li yee na yee nga na*

<sup>1</sup> Ki kala na, yingo, sefenne, yaa yogori wa ye gbogolomo pi ni we Fo wi ni. Mii te mbege kagala ke yonlogo naa mbe ke torogo ye kan. Yoro wo na, ke mbe ya mbe ye ndige kan.

<sup>2</sup> Ye ye yee yingiwε jεn tunmbyeele tipeele pe ni, poro mbele pe yen paa pyonlo yen we. Ki leele pe ma yo ki daga ye wire ti lara ta koonlo koonlo†.

<sup>3</sup> Woro mbele waa Yennele li gbogo Yinnekpoyi li fannga ki na, na we yee gbogo Zhezu Kirisi wi ni, ma we jigi wi laga wire kapyere ti na, woro wele wε kenrekenre kaselege na.

<sup>4</sup> Ma si yala, mbe ja ya mbanla jigi wi taga ki kapyere ti na fun. Na kaa pye wa naga jate jigi tasaga yen wi yeri wire kapyere ti kala na, tanga yen na yeri mbaa ki jate mbe wε ki fo wi na.

<sup>5</sup> Na paà na se, pilige kolotaanri wogo ki na, a pε silan kenrekenre. Izirayeli tara pisee wi mi, ma yiri wa Benzhamε cenle li ni. Eburuye pisee wi mi. Lasiri wo kanngolo, mi yen Fariziye woo.

---

† **3:2 3:2:** Ki leele pe ma yo ki daga pe wire ti lara ta koonlo koonlo mbe ta mbe pye Yennele li piile.

<sup>6</sup> Mila pye naa gbogo fɔ na Legilizi wi jɔlɔ. Mbe pye mbe sin wa lasiri wi ni ko wogo ko na, mila pye tegelesaga fu.

<sup>7</sup> Eɛn fɔ, ki kagala ngele mila pye na jate paa tɔnli yɛn, kɛ pye na yeri paa towo yɛn Kirisi wi kala na.

<sup>8</sup> Ki kagala koro cɛ ma, eɛn fɔ, mi yɛn na kala li ni fuun li jate paa towo yɛn na Fɔ Zhezu Kirisi wi jɛnwɛ mba m̀ jɛn, a pi wɛ yaraga ki ni fuun na pi kala na. Wo kala na, m̀ yɛnlɛ ki na mbe to yaraga ki ni fuun ki ni. Mila yaraga ki ni fuun ki jate paa kayangara yɛn, jango mbe ta mbe Kirisi wi ta,

<sup>9</sup> konaa mbe pye nunɔba wi ni. Mi woro naga piin ndɛɛ m̀ pye lesinɔɛ, naa mila tanri lasiri wi na ko kala na. Naa m̀ taga Kirisi wi na, ko k̀ ti m̀ pye lesinɔɛ. Mbe pye lesinɔɛ ki ma ta Yɛnɔɛɛ lo yeri tagawa po kala na.

<sup>10</sup> Nga fuun mila jaa, ko yɛn mbe Kirisi wi jɛn konaa wi yɛnmɛ ma yiri wa kunwɔ pi ni ki yawa pi ni, mbanla tasaga ta wa wi jɔlɔgɔ ki ni, mbe pye paa wi yɛn wa wi kunwɔ pi ni.

<sup>11</sup> Mbe jigi ta fɔ mi fun mi yaa ka yɛn mbe yiri wa kuulo pe sɔgɔwɔ.

*Yaa fee yaa kee  
wa kala li go ki yeri*

<sup>12</sup> (Kirisi na m̀ jɛn,) ki woro mbe ka yo migi tɔnli wi ta makɔ, nakoma na yinwege ki sin ma yɔn fili makɔ. Eɛn fɔ, mi koro na kee, naga nɔgbanga mbege tɔnli wi ta, katugu Zhezu Kirisi wilan yigi.

<sup>13</sup> Sefenne, mi woro naga jate migi tonli wi ta makɔ, εεν fɔ, kala nunɔba mila piin, mi nawa wo kagala ngele mi pye ke toro koro na, na jatere piin ngele ke yen wa na yegε koro na.

<sup>14</sup> Ki pye ma, mi yen na fee na kee fenge ki kosaga ki korogɔ, jango mbe tonli wi ta, ηa Yenηele li yen na we yinri we ta wa naayeri Zhezu Kirisi wi fannga na.

<sup>15</sup> Woro mbele fuun we tagawa pi yen ma yon fili, ko jatere wo wi daga mbe pye we ni. Na kaa si pye jatere wa yen ye yeri kagala kele na wi ye, Yenηele li yaa ko fun ki naga ye na.

<sup>16</sup> Kiga pye yegε o yegε, we koro waa kee yegε mbe yala konɔ na we tanga fɔ ma pan ma gbɔn yingɔ li ni.

<sup>17</sup> Sefenne, yaa piin paa na yen. Mbele pe yen na tanri paa we yen, yaa poro wele yaa tanri.

<sup>18</sup> Lelegere tangalomɔ yen naga nari ma yo Kirisi wi kunwo wa tiparaga ki na, ki senre tila pe mbenge. Migi wogo ki yo ye kan yosaga legere na, mi neε ki yuun ye kan naa na yanli.

<sup>19</sup> Pe kosaga ko ki yen pe punnguwo we. Pe fungbogolo koro ke yen pe yenηele le. Pe maa pe yeε gbogo wa ηga ki ja daga mbe fere wa pe na ki ni. Ki dunruya ηa wi yaara to pe maa jatere piin ti na.

<sup>20</sup> Woro wo na, we ca pa ki yen wa yenηele na. We yen na we Shɔfɔ wi singi wi yiri wa wi pan, we Fɔ Zhezu Kirisi we.

<sup>21</sup> Na wiga ka pan, wi yaa wi yawa gbɔɔ pi le mbe cen yaara ti ni fuun ti go na, mbe si we wire nda ti fannga ki kologo ti kannga mberi pye paa wi wire nda ti yen gbogowo woro ti yen.

## 4

*Poli wi yerewe senre re*

<sup>1</sup> Ki pye ma, sefenne, yoro mbele ye yen mala ndanla, ye koro ye yege sin wa ye yinwege ki ni we Fo wi ni. Ye la kilan yigi fo jenge. Na wenne yoro ye yen na nayinme naa na ferewe pi go ye.

<sup>2</sup> Mi yen na ye yenri, Evodi naa Sentishi, fo ye ye nawa pi pye nungba wa ye gbogolomo pi ni we Fo wi ni.

<sup>3</sup> Mboro fun, na tunngo pyeyenle, mboro na ma yen tagawa ni, mi yen noo yenri, maa ki jele pe sari. Poro pa pinle na ni, a we malaga ki gbon ja wa Sentanra yarawa pi ni, poro naa Kilema naa na tunngo pyeyenle sanmbala pe ni, poro mbele pe mere ti yen ma yonlogo wa yinwege sewe wi ni we.

<sup>4</sup> Yaa yogori sanga pyew wa ye gbogolomo pi ni we Fo wi ni, mi yen naga yuun ye kan naa, fo yaa yogori.

<sup>5</sup> Ye pye kapitanra ni leele pe ni fuun ni. Sanni jenri we Fo wi yaa pan.

<sup>6</sup> Yaga ka ye jatere wi lege ye yee na yaraga ka kala na. Een fo, kala li ni fuun ni, yaraga nga kala ka ye ta, yege yenri Yennele li yeri yenrewe ni, naa yenrewe gboco ni konaa sharaga ni.

<sup>7</sup> Na kiga pye ma, Yennele li yeyinnye nga ki we lewee tijinliwe pi ni fuun na, ki yaa ye kotoo naa ye jatere wi yaga wi koro Zhezu Kirisi wi na.

<sup>8</sup> Ko pungo na, sefenne, kala na fuun li yen kaselege, kala na fuun li daga gbogowo ni, kala na fuun li yen ma sin, kala na fuun li yen kpoyi, kala na fuun li tanla, kala na fuun pe ma li

metanga yeri, kala na fuun li daga sonmo ni, ye jatere wi pye koro ke ni fuun koro na.

<sup>9</sup> Nga yè forogo ma ta na yeri, nga yè logo ma yan na yeri mi pye, yaa ko piin. Kona, Yennεε na li maa yeyinngε ki kaan we yeri, li yaa pye ye ni.

*Pɔli wila Filipi tagafenne pe shari  
pe yarikanga wogo ki na*

<sup>10</sup> Na nawa pi yinngi jεngε we Fɔ wi ni, maga yan fɔ yingɔ ye yen na nawa tuun na na naa fonngɔ. Yaa pye na nawa tuun na na faa, εen fɔ, ye sila pyelomo ta mbege naga na na.

<sup>11</sup> Mi woro na ko yuun na jorowo po kala na, katugu migi forogo mbe pye nayinme ni nga ki yen na yeri ki ni.

<sup>12</sup> Na mi ka pye wa fyonwo pi ni, mi ma yala na yεε ni. Na mi ka si yarilegere ta, mi ma yala na yεε ni. Laga o laga, kala li ni fuun ni, mbe ka mbe tin, nakoma mbe koro fungo o, mbe yarilegere ta, nakoma mbe ta jenri o, migi forogo, a kilan tara.

<sup>13</sup> Mbe ya mbege kagala ke ni fuun ke pye Kirisi wi fannga na, wo wila fannga nii na ni.

<sup>14</sup> Ma si yala, yè kajεngε pye mala saga wa na jolɔgo ki ni.

<sup>15</sup> Yoro jate ye yen maga jen, yoro Filipi ca tagafenne wele, fɔ mila yiri wa Maseduwani tara sanga na ni, Sentanra yarawa pi pelisanga wi ni, ye legilizi wo ce wila na saga. Yoro ce yaa gbogolo na ni kanwa naa tawa† pi na.

---

† 4:15 4:15: *Ki kanwa po naa ki tawa pi ni, pi yen naga nari ma yo Pɔli wila Yennεε senre ti yo ma pe kan, a poro fun pɔo saga pe keε yaara ti ni.*

<sup>16</sup> Ali sanga ŋa ni mila pye wa Tesaloniki ca, yaa na jorowo pi kɔ ma yaara torogo na kan torogosaga shyen.

<sup>17</sup> Kii cɛn ndɛɛ mi yɛn na yarikanga jaa. Ɛɛn fɔ, mila ki jaa tɔnli wa mbe taga naa ye yarijɛŋɛ ŋga Yɛnɛlɛ li yaa kan ye yeri ki na.

<sup>18</sup> Yaraga ŋga fuun yɛ torogo na kan, m̀igi ta. M̀i ta fɔ ma toro. Ye yarikanra nda Epafuroditi ẁi pan ma kan na yeri, m̀iri ta. Ỳiŋɔ wo ni, yaraga ki ni fuun ki yɛn na yeri. Ye yarikanra ti yɛn paa latikɔɔ nuwɔ taan yɛn, paa saraga yɛn ŋga Yɛnɛlɛ l̀i yɛnlɛ ki na, ki yɛn ma li ndanla.

<sup>19</sup> Na Yɛnɛlɛ li yaa la ye jorowo yaara ti kaan ye yeri fun, mbe yala li yarijɛndɛ nda ti yɛn gbɔgɔwɔ woro ti ni, naa yɛ gbogolo Zhezu Kirisi wi ni we.

<sup>20</sup> Gbɔgɔwɔ mbe pye we To Yɛnɛlɛ li woo fɔ sanga pyew. Anmiina!

### *Sharaga punjo wogo*

<sup>21</sup> Yɛnɛlɛ li leele kpoyi mbele fuun pe yɛn Zhezu Kirisi wi ni, ye pe shari. Sefɛnnɛ mbele pe yɛn laga na ni, pɛ ye shari.

<sup>22</sup> Yɛnɛlɛ li leele kpoyi pe ni fuun pɛ ye shari, wunlumbolo to Sesari wi go woolo poro wogo ko wɛ.

<sup>23</sup> We Fɔ Zhezu Kirisi wi yinmɛ pi pye ye ni fuun ye ni!

**Bibulu Jinmiire ni  
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 18 Apr 2025 from source  
files dated 29 Jan 2022

a4863791-1c91-5f31-9a8f-034a18a2f8d8